



27. maj 2021

Inatsisartut suleriaasianni § 37 naapertorlugu Naalakkersuisunut apeqqutit imaattut ingerlatippakka:

Naalakkersuisunut apeqqutit

1. **Nunatsinni kapisilinnut tukertitsiveqalersinnaanera, Nunani allani aningaasarsiornikkut tapertaalluartut atugaalluartullu, Naalakkersuisut nutaat qanormita pilersitsivigineqarsinnaanera pimoorutsiginiarpaat?**
2. **Imartatta sikuusarnera sikorsuaqartarneraluunniit ajornartorsiutaavoq, tamannali uniffigiinnarnagu nunap qaani illorsualiornikkut Island-imisulli pilersitsiniarsinnaaneq isumaqatigineqarnerluni?**
 - a. **Isumaqatigineqarpat Royal Greenland pisussaafililerneqarsinnaaneranut oqaloqatigiinnissamut Naalakkersuisut piumassuseqarsinnaanerlutik?**
 - b. **Apeqqummut 2.a-mut atatillugu RG-p tukertitsiviliornissamut pisussaaffeqarusussanngippat, Naalakkersuisut namminersortunut kaammattuuteqarnissaminnut piumassuseqarnerlutik?**
3. **Maniitsumi RG-p aalisakkanut suliffissuaata eqqannguaniippoq illorsuatoqarsuaq toqqorsivittut atorneqaannartoq. Isateriarlugu nunaminertangaatsiaq siunertamut atorneqarsinnaanera ilanngullugu aningaasartuutaasinnaasut Naalakkersuisut paasisutissiisinnaanerlutik?**
4. **Apeqqut 3-imi innersuunneqartumi Maniitsullu nunataata ilaani kommuune innuttaasullu innersuussutissaqanngippata, Naalakkersuisut illoqarfik sumi kapisilinnut tukertitsiviliorniarneq piukkussaqaqarnerlutik?**
5. **Pinngortitaq allanngoriartuaartoq aqussinnaanngilarput, aningaasarsiornernerput ataavartuujuarnissaa aqqtissiuunneqassappat, kingulissagut taakkulu kinguaavi atugaasa isumannaatsuunissaannut aqqtissiuussiniarnermut Naalakkersuisut tapersiisinnaanerlutik?**
6. **Misilittagaareersut pillugit soorlu Island-imi nunanilumi allani paasisassarsiorsinnaanermut ataatsimiititaliaq susassaqaqartut peqatigalugit Naalakkersuisut suleqataarusunnerlutik?**

(Inatsisartuni ilaasortaq Siverth K. Heilmann, Atassut)

Tunngavilersuut:



Pisariaqarluinnaqqissaarpoq pinngortitarsuatta allanngorartuarneragut aalisakkat Nunatsinni aningaasarsiornitsinnut pingaarnersaattut inissisimagaluartut, ukiup ilaanni sineriarujussuatsinni suliffipparujussuit aningaasarsiorfiillu pingaartumik aalisakkanut suliffissuit matuneqartartut. Kingunerisarpaa Kommuunet Nunattalu karsiata ilungersunarluinnartumik inissittarneri.

Ukiunili makkunani qujanartumik kingumut aalisarnikkut aningaasarsiornerput suliffissaqartitsinikkullu ingerlallualeriarorpugut, sulili pitsaanagerusumik aalisartortatta imartarujussuarmi aalisarsinnaanissaannut periarfissaqartitsinerput tamakkiisumik atorneqaqqajangilaq.

Kapisillit tammakariartortunut ilaanikuupput, aalisariaatsinut assigiinngitsunut qanoq politikkeqarnissarput isumatuumillu aqunneqarnissaa, uagut qinikkani akisussaaffitta ilagiinnarpaat.

Taamaattorli Nunani allamiut nunaminni aalisakkanik matumanilu aamma kapisilinnut tukertitsiveqarnermikkut aningaarsarparujussuarnik niuverluarnermikkut isaatitsissutigaa. Nunarsuarmi inupparujussuaqarmat allatuulli unammilleqataanissamut niuvernissatsinnullu pikkorinnerulluta tapersersoqatigiittariaqarpugut.

Aalisartortagut nujuartanik taaneqarsinnaasunik kapisilinniarsinnaanerat akornusinngilluinnaraluarlugu, qanortoruna tukertitsiveqalersinnaanermik aqutissiuussiniarnera tamakkiisumik tapersersorneqarli.